



Die Gilemiehl.

's iß irgendwo im Pälzerlann,
Do leiht, vun Wald umgebb,
& Weiherche, ganz nah dabei
& Heisje ald un schebb.
Die Gilemiehl, so hääst es nor,
So lang als mer's gedenkt;
De ledschde Miller hett sich dort,
So saht mer, uffgehengt.

Wasß wohr iß dra", — du lieber Gott —
Es sa'n die Zeit gar viel,
Wann lang de Dag; un grad so iß
Nah mit de Gilemieh..
Mahn's sei" wie's will, noch immer hadd's
Ganz eije mich beriehrt,
So oft mich an der alde Miehl
Mei" Weg vorbeigefiehrt.

Vedschd bin ich aah vorriwer gang,
Es war schun duschber worr,
Uff ähⁿmol fangt meiⁿ Hund eich aⁿ
E Brumme un Geknorr;
Ich guck mich um, 's isß alles schdill,
De Weiher wie de Wald,
Ich habb mr helpe net gekennt,
Mich imerlaafds eiskalt.

Dann driuwe an de Gilemiehl
Do geht es Miehlerad rum,
Doch hehrschde nix, kääⁿ Wasser rauscht,
Kääⁿ Klabbre, alles schtumm;
Nor owe uffem Gämwel sitzt,
De Mond bescheint se grad,
E Gil, die mit de Aue rollt
Un mit de Fliggel schlaacht.

Un unner ehr, am Fenschdextreiz,
Do bambeld noch e Schtrick
Un wie ich neher hiⁿguck, hot
En Mann er am Genick,
De Mehlschtaab an de Kläärer noch,
Die Zibbellabb ganz hell,

So nuckt er mer un winkt mer als:
„He Freindche, net so schnell!“

Wie dagsdruff ich's im „Schtern“ verzehl,
Do schiddeln se die Rebb;
Un unser alder Knaschderbart,
De Ferschder, lacht sich schebb;
„Wasß haw'n Se vorher dann gedrunf?“
„Meier, daß ich net lieh'!“
„Na“, Freind, do wunnert mich nor ähns,
Daß Se net noch mäh“ gesieh!“

